

# Цуг союзин физкультурин өдр Сухотад

Приозеря района центр — Сухотад, цуг союзин физкультурникүдин өдр ик байрта, сәәнәр болв. Эн сән өдрт нерәддж оln зүсн маргъан болв: футболин болн волейболин маргъанд райцентрин команд түрүн орм эзлв.

Гранат шивлгънә маргъанд түрүн орм эзлснь совхозин тооч үр Кравченко, 700 гр. гранатиг 52,5 метрт эн шивб.

Бу халгъна маргъанд тавн сумар 50 метрт хагъад 41 очко авсн тосхлтин участкин тооч Замбаев Дмитрий түрүн орм эзлв.

Диск шивлгънә маргъанд түрүн орм эзлснь совхозин көдләч үр Меклеев Эрдни, 2 кг. дискиг эн 27,4 метрт шивб.

Эн сән өдрлә оln зүсн маргъа хәләхәр района стадионд ик оln әмтс ирв.

**П. ПЮРВЕЕВ.**